



**ZAPISNIK O RADU 31. SJEDNICE**  
**KOLEGIJA GRADSKOG VIJEĆA GRADA SARAJEVA**  
*ODRŽANE 18.11.2022. GODINE*

Broj: 01-GV-02-1764/22

Sarajevo: 18.11.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Amra Zulfikarpašić, predsjedavajuća Kluba gradskih vijećnica „Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Bajro Biber, predsjedavajući Kluba gradskih vijećnika „USD-BOSS“
12. Elvedin Korora, predsjedavajući Kluba gradskih vijećnika „Korora/Skorupan“
13. Mila Eminović, sekretar Gradskog vijeća

Sjednici je prisustvovala gradonačelnice Grada Sarajeva Benjamina Karić, Aida Bajramović, rukovodilac Stručne službe za poslove kabineta i poslove Gradske uprave, Merima Arifhodžić, pomoćnica Gradonačelnice za urbano planiranje, investicije, stambene i komunalne poslove.

Sjednici je prisustvovao pravobranilac Grada Sarajeva Admir Jusufbegović.

Sjednici su prisustvovali: Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u **14.07** sati, pozdravio prisutne, te konstatovao kvorum za punovažan rad i odlučivanje.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, sa 11 glasova „za“ i jednim „suzdržanim“ glasom, **je usvojio** Zapisnik o radu 30. sjednice Kolegija Gradskog vijeća, održane 01.11.2022. godine.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno **je usvojio** dnevni red 31. sjednice Kolegija Gradskog vijeća, tako da glasi:

1. Razmatranje problematike objekta na Vidikovcu
2. Tekuća pitanja



## **Ad 1) Razmatranje problematike objekta na Vidikovcu**

**Predsjedavajući Gradskog vijeća Jasmin Ademović** je dao kratke uvodne napomene oko potrebe održavanja Kolegija.

Kroz uvodno izlaganje koje je podnio gradski pravobranilac Admir Jusufbegović, članovi Kolegija su se detaljno upoznali sa do sada poduzetim aktivnostima s ciljem realizacije Projekta izgradnje objekta Vidikovac na Trebeviću. Gradski pravobranilac je naglasio činjenicu da je raniji gradonačelnik primio izvedene radove u funkciji investitora iako je, ugovorom između pravnog lica Unigradnja d.d., Grad Sarajevo i JP „Sarajevo“ d.o.o. ustupljen Ugovor o građenju zaključen između investitora Grada Sarajeva i izvođača radova Unigradnje na JP „Sarajevo“ d.o.o. Također, naglasio je da je Unigradnja, d.d. i dalje u posjedu gradilišta, te da je sljedeća faza ispunjavanje uslova iz privremenog izvještaja Komisije za tehnički prijem izvedenih radova.

Gradonačelnica Grada Sarajeva Benjamina Karić je podržala izlaganje pravobranilaca Grada Sarajeva, ukazala na nepravilnosti koje su pratile realizaciju ovog projekta i iznijela moguće korake organa Grada Sarajeva za dalje postupanje s ciljem što skorijeg završetka izgradnje objekta.

Dalje su u raspravi učestvovali gradski vijećnik Toni Vukadin koji je predložio određene zaključke, a u raspravi su nastavili učestvovati gradski vijećnici Seid Škaljić, zamjenik predsjedavajućeg Gradskog vijeća Dragan Stevanović, predsjedavajući Gradskog vijeća Jasmin Ademović i gradski vijećnik Mumaner Mekić.

Poslije rasprave i sažetaka Predsjedavajućeg jednoglasno **je usvojen** sljedeći **zaključak**:

1. Članovi Kolegij Gradsko vijeća su se podsjetili na proces koji se odvija s ciljem okončanja izgradnje objekta Vidikovac na Trebeviću i upoznali s novim informacijama o aktivnostima koje Grad Sarajevo – gradonačelnica Grada Sarajeva i Pravobranilaštvo Grada Sarajeva poduzimaju s ciljem okončanja ovog projekta.
2. Problematiku će Kolegij Gradskog vijeća nastaviti razmatrati na novoj sjednici Kolegija za koju će se uputiti poziv Skupštini, Nadzornom odboru i direktor JP „Sarajevo“ d.o.o.
3. Kolegij Gradskog vijeća traži od JP „Sarajevo“ d.o.o., da u roku od deset dana, Kolegiju Gradskog vijeća dostavi informaciju o realizaciji Ugovora za izgradnju poslovnog objekta na mjestu porušenog hotela, te radova vanjskog uređenja parcele na lokalitetu „Vidikovac – Trebević“, od 25.07.2019. godine, odnosno ugovora o ustupanju ovog ugovora, od 26.09.2019. godine i predloži aktivnosti u cilju privođenja objekta Vidikovac krajnjoj namjeni, a ako postoji nemogućnost realizacije ugovora, da o tome upozna Kolegij Gradskog vijeća u roku od deset dana i predoči mjere za dalje postupanje.

## **Ad 2)**

### **Tekuća pitanja**

#### **a) Informacija o svečanosti za Dan državnosti Bosne i Hercegovine u Vijećnici 25.11.2022. godine**

Gradonačelnica Grada Sarajeva Benjamina Karić je upoznala Kolegij Gradskog vijeća da će se svečanost tj. akademija u povodu obilježavanja Dana državnosti BiH održati u petak 25. 11.2022. godine, s početkom u 17.00 u Vijećnici, da će se skupu obratiti gradonačelnica Grada Sarajeva i predsjedavajući Gradskog vijeća, te premijer Kantona Sarajevo, a da se očekuje obraćanja i člana Predsjedništva BiH. Podsjetila je na to da će se na skupu promovirati dobitnici nagrada i priznanja Grada Sarajeva, te da će im se uručiti priznanja, odnosno nagrade.

Podsjetila je da pozivnice vrijede za dvije osobe i da će poslije svečanosti biti upriličeno druženje uz koktel.

Predsjedavajući Gradskog vijeća Jasmin Ademović je podsjetio na protokol polaganja cvijeća toga dana na lokalitetima od značaja za Grad Sarajeva.

#### **b) Priprema za održavanje 21. sjednice Gradskog vijeća Grada Sarajeva, srijeda 30.11.2022. godine**

Predsjedavajući Gradskog vijeća Jasmin Ademović je upoznao Kolegij Gradskog vijeća o odvijanju priprema za održavanje 21. sjednice Gradskog vijeća, a između ostalog i s tima da u prijedlogu dnevnog reda 21. sjednice Gradskog vijeća neće biti sadržani određeni materijali koji su bili najavljeni na prošloj sjednici Kolegija Gradskog vijeća.

Poslije rasprave i informacija gradonačelnice Grada Sarajeva konstatirano je kako slijedi. Program podizanja spomenika čiji investitor je Grad Sarajeva za 2023. godinu će biti spreman za sljedeću sjednicu Gradskog vijeća. Predlaganje Etičkog kodeksa izabраниh zvaničnika Grada Sarajeva je Etičko vijeće Gradskog vijeća, ovlašteni predlagač, odgodio za decembarsku sjednicu Gradskog vijeća. Ukoliko materijal bude spreman na vrijeme, moguće da će gradonačelnica Grada Sarajeva Prijedlog Odluke o vodotocima Grada Sarajeva predložiti za razmatranje po hitnom postupku za 21. sjednicu Gradskog vijeća. Dopunjeni Izvještaj o primjeni Odluke o upotrebi grba, imena i isticanju zastave Grada Sarajeva koji nije usvojen na prošloj sjednici bi, također, naknadno mogao biti upućen Gradskom vijeću na razmatranje za 21. sjednicu.

Predsjedavajući Gradskog vijeća Jasmin Ademović je upoznao prisutne da će Komisija za izbor i imenovanja predložiti Gradskom vijeću na razmatranje Odluku o izmjenama Odluke o uslovima i načinu dodjele „Šestoaprilске nagrade Grada Sarajeva“ kao i odluke o razrješenju, odnosno izboru članova radnih tijela Gradskog vijeća, u povodu prestanka mandata gradskih vijećnika Nihada Uka i Marijele Hašimbegović.

Kolegij Gradskog vijeća je upoznat i sa mogućim prijedlogom Pravobranilaštva Grada Sarajeva da se na 21. sjednici razmatra Odluka o davanju saglasnosti Gradskog vijeća na prijenos vlasništva nad školskim objektom koji je uknjižen kao vlasništvo Grada Sarajeva, a što stvarno nije vlasništvo jer je došlo do pogrešnog upisa u zemljišnoj knjizi.

#### **c) Informacija o prestanku mandata gradskih vijećnika Nihada Uka i Marijele Hašimbegović**

Predsjedavajući Gradskog vijeća Jasmin Ademović je upoznao Kolegij Gradskog vijeća o zahtjevima upućenim Centralnoj izbornoj komisiji za prestanak mandata gradskih vijećnika Nihada Uka i Marijele Hašimbegović koji su preuzeli mandate u Skupštini Kantona Sarajevo. Upoznao je prisutne i o Odluci o formiranju Kluba gradskih vijećnika „Enisa Spahić-Amra Zulfikarpašić“, te najavi i novu odluku o formiranju Kluba gradskih vijećnika Naše stranke.

\*\*\*

Gradonačelnica Grada Sarajeva je upozнала prisutne o odvijanju realizacije projekata Grada Sarajeva istaknuvši pripreme za obilježavanje Nove godine koncertom koji će se održati u Titovoj ulici uz postavljanje bine ispred Vječne vatre.

Upozнала je Kolegija da su jarboli sa zastavama Grada Sarajeva i sa likom maskote ZOI 84 Vučka podignuti pokraj Sportskog centra ZETRA, da je uspješno održan skup u saradnji sa UN populacijskim fondom u čijem radu je sudjelovalo 45 gradonačelnika, da je podizanje Spomen ploče Marku Didoiju -Markanu spremno i da će ploča biti postavljena čim Gradsko vijeće donese Odluku i ona stupi na snagu.

Upoznala je Kolegij i o aktivnostima koje se odvijaju s ciljem nastavka realizacije Projekta obnove fasada (slijede obnova fasada na tri objekta u Titovoj ulici, niz na sjevernoj strani ulice, od spomenika „Vječna vatra“ prema Dalmatinskoj ulici), kao i realizacijom Projekta obnove opservatorija na Trebeviću (upis vlasništva na Zavod, a potom osnivanje prava građenja u korist Grada Sarajeva), a najavila je i aktivnosti na obnovi fasade zgrade Beledija u narednoj godini.

\*\*\*

Budući da pod ovom tačkom dnevnog reda nije bilo više prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 15.10 sati.

*SEKRETAR GRADSKOG VIJEĆA*

*Mila Eminović, s.r.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*